



Inatsisartunut ilaasortaq Anders Olsen
-/ MAANI

Kommunit akornanni aningaasaqarnikkut naligiinnginnerup annertuallaarnera pillugu § 37 naapertorlugu apeqqut 100_2025

Brevdato: 14-08-2025
Sagsnr. 2025 - 14624

Matumuuna § 37 naapertorlugu apeqqummut siuliani taaneqartumut akissutit nassiunneqarput.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Kommunit akornanni aningaasaqarnikkut naligiinnginnerup annertuallaarnera Naalakkersuisut isumaqatigaat?

Akissut:

Kommunit akornanni aningaasaqarnikkut naligiinnginnerup assigiinngitsunik arlalinnik periuseqarluni naatsorsorneqarsinnaanera ataatsimut isigalugu oqaatigineqassaaq – assersuutigalugu sullissinerup qaffasissusaa, akileraarutitigut iluanaarutit, aningaasartuutissatut pisariaqartitat, innuttaasut ukiumikkut katitigaanerisa assigiinngissutaat imaluunniit naatsorsuutit inernerisigut. Ataasiinnarmik erseqqissumik periuseqartoqanngilaq, taamaammallu tunngavissatut suut aalajangerneqarnerat naliliinermi apeqqutaasarpog.

Kommunini aningaasaqarnikkut pissutsit nalilerneqarneranni kommunit ataasiakkaat ukiumi ataatsimi naatsorsuutitigut angusaat isiginiarneqartannginnissaat aamma oqaatigissallugu pingaaruteqarpoq. Kommunit aningaasaqarnerat pissutsinit arlalinnit sunnerneqartarpoq, tassani sumiiffinni pingaarnersiunerit aningaasaqarnermillu aqutsinerit, kommunimut akileraarutit annertussusaa, innuttaasut ukiumikkut katitigaanerit, kiisalu isertitat toqqammaviinik utaqqiisaasumik allannguinerit. Ingammik kingullertut taaneqartoq ukiumit ukiumut malunnartumik nikerarsinnaavoq.

Assersuutigalugu kommunit aningaasaqatigut atugassaasa assigiinngissusaata minnerulersinnissaanik siunertaqartumik innunut ingerlatseqatigiiffinnullu akileraarutit nalimmassarnerisut kommunit akornanni annertuumik nalimmassaasoqartarpoq. 2025-mi kommunit akornanni nalimmassaaneq tamanna 700.333.326 kr.-nik aningaasartaqartoq, Akileraartarnermut Aqutsisoqarfiup paasissutissiissutigaa. Ilanngullugu 2025-mi akileraarutitigut naligiissaarinissaq aamma kommuninut ataatsimut akileraarutit agguataarneqarnissaa pillugit Namminersorlutik Oqartussat nalunaarutaat takuuk.

- 2. Kommunit akornanni aningaasaqarnikkut naligiinnginnerup annikillisarmissaa Naalakkersuisunit anguniarneqarniarpa?**
a. Taamaassimappat qanoq anguniarneqarpa?

Akissut:

Nalimmassaariaaseq maanna atuuttoq allanngortinneqassappat, kommunit akornanni siammasissumik tapersiinissap paaseqatigiinnissallu pisariaqartuunera, Naalakkersuisut pingaartippaat. Taamaammatt kommunit ataatsimoorlutik oqallinnermikkut aaqqissuusseqqinnerusinnaasumut pingaarnertut periusissanik ersarissaanissaat Naalakkersuisut naapertuunnerpaatippaat. Kommunit siunnerfimmik ataatsimoortumik nalunaaruteqarsimalerpata, Naalakkersuisut tamanna akuersaartumik isigalugu apeqqutit ersarinnerusumik nalilersussavaat.

- 3. Kommuneqarfik Sermersuup nalimmassaarinnermut ukiumut akiliutigisartagai 90 mio.kr. qaqugu nalilersorneqaqqissappat?**
a. Akiliutigineqartartut 90 mio.kr. annikippallaanngillat?
b. Imaluunniit annertuallaarpat?

Akissut:

Siuliani akissut takuuk.

Inussiarnersumik inuulluaqqusillunga



Múte B. Egede